

Poziv na panel-diskusiju: Kako prepoznati vjerodostojan izvor u vremenu digitalnih medija?

Poštovani,

Centar za istraživačko novinarstvo (CIN) iz Sarajeva Vas poziva **16. novembra 2017. godine** na panel-diskusiju koja će biti održana u **Sarajevu - Mikser House, sa početkom u 10:00 sati**.

U vremenu poplave medijskih izvora - kada se tradicionalni koncepti plasiranja vijesti zamjenjuju novim medijima i kada „građanin-novinar“ postaje glavni izvor aktuelnih vijesti - kome građani da vjeruju? Kako se u novom ambijentu snalaze mediji? Kakve informacije dobijaju građani? Šta traže mladi i kome vjeruju? Kako obrazovni sistem odgovara na nove zahtjeve? S druge strane, istinsko i profesionalno novinarstvo zahtijeva vrijeme, a uloženi trud i troškovi istraživanja povećavaju cijenu istraživačke priče. Ipak, da li je vrijednost istinskog novinarstva prepoznata ili se ona gubi u poplavi novih vijesti i trendova koji se mjere klikovima? I, u konačnici, da li je brend presudan i kako se on gradi?

Na ova i slična pitanja pokušat ćemo odgovoriti u razgovoru sa eminentnim stručnjacima koji će govoriti o svom viđenju fenomena „fake news“ i posljedicama tehnološkog napretka na profesionalnost.

Zamolili bismo Vas da nas obavijestite o Vašem učešću najkasnije do petka 10. novembra 2017. godine putem e-maila: aleksandra@cin.ba. Kontakt-osoba je Aleksandra Zelić. Ukoliko niste u mogućnosti da prisustvujete ovom događaju, zamolili bismo Vas da poziv delegirate nekom od svojih saradnika.

Nacrt dnevnog reda panela se nalazi u prilogu.

Srdačno,



Leila Bičakčić,
direktorica CIN-a